

# ጾኑሲ ማድ"ም ዳኪንቴ ጳጳሮሴኮ ቤርታሳ ኪኢቶ" ዓይያ ካሮ"

ጾኑሲ ማድ"ም ዳኪንቴ ጳጳሮሴኮ ቤርታሳ ኪኢታ" ፃኣፒንቴህ' ኪኢቶ"ይዳ «ጾኑሲም ድኦሪንቴ ዳሬ» ጌይንታ፥ ዳኮ" ዒሲያ ጎዖ ዓጮ"ኮ ኬድ" ዛላ" ዳንዲ ዓኣ ዩሱሴ ጉሙርቃ ዓሰምኬ፤ ኪኢቴሎኮ ዳኤፖ ማሊፃ ሓኖ" ኪኢቶ" ናባባ ዓሰ ዔያቶኮ ዩሱሴ ጉሙርቁዖ ዛሎ"ና ዒዲንቴ ዳኪንቴዖና ሜቶ"ናይዳፓ ዶዲሻኒኬ። ፃኣፒህሂ ዩያይዳህ' ዩሱሴኮ ሓይቦ" ዛሎ"፥ ሓይባ"ፓ ዔቁዖ ዛሎ"ንታ ጊንህ ማዒ ሙካንዳ ዎዞ" ኬኤዛ ኮዦ" ሓይሶዎ ጳቂህኒኬ። ዩሱሴ ኪሪሰቶሴኮ ናንጎ ኮኣኪንህሂና ኬኤዚህሂና ሜታህሂ ዔያታ ዳንዳዒ ዔካንዳያ ኮይሳህሂ ዔያቶም ኬኤዛኔ፤ ዩያይዳ ሓህ ሜታ" ዔያቶኮ ዩሱሴ ጉሙርቁዖ ዶዲም ጎናሲ ዛጋያ ማዒህንታ ዩሱሴ ኪሪሰቶሴ ሙካ ዎድ"ና ዔያቶም ኮይሳ ዒንጎ ባኮ ዔያታ ዔካንዳህሂያ ዔያቶም ላታ"ኔ።

ሓኖ" ኪኢቶ" ፃኣፒህሂ' ሜታ ዔያቶ ሄሌ" ዎድ"ና ዶዳንዳጉዲ፥ ሓህ ኪኢቶ" ናባባ ዓሳ ኪሪሰቶሴ ጊንዖ ሓንታ ዓሲ ናንጋኒ ኮይሳማ ጎይያ ናንጋንዳጉዲ ጳቂህ ኬኤዛኔ።

## ሓኖ" ማፃኣፔላ ዲማ ዲማ ዓርቁ ባኮ

- ዓይያ ካሮ" 1፥1-2
- ጾኑሲኮ ዳቂሻያ ዛሎ" ጳቂሥህሂ 1፥3-12
- ጌኤሹሞና ናንጊህሂ ዛላ ዞሮና ዞሮ 1፥13—2፥10
- ሜታ ሄላ" ዎድ"ና ዩሱሴ ጉሙርቃ ዓሳ ማዳንዳ ባኣዚ" 2፥11—4፥19
- ዩሱሴ ጉሙርቃ ዓሳ ናንጋንዳ ጎይህሂ 5፥1-11
- ጋፒንህሂ ማሊህሂ 5፥12-14

1 ዩሱሴ ኪሪሰቶሴ ፔ ማድ"ም ዳኬ ጳጳሮሴይዳፓ፡-  
 ጳንዖሴይዳ፥ ጋላቴያይዳ፥ ቁጳዶቂያይዳ፥ ዒሲያይዳ፥ ቢታኒያ ዓጮ"ይዳ ዳኪንቴዖና ላኣሊንቴ ዳንዲ ናንጋ ዓሰም፤  
 2 ጾኑሲ ዓዳህሂና ቤርታዲ ዔርቲ ድኦሪንቴዞንህሂም፥ ሃሃ ዩሱሴ ኪሪሰቶሴም ዓይህንታኒና ዒዛኮ ሱጉዖና ፑጨንቴ ማሰቲ ጌኤሸካኒ ዓያና ጌኤዦና ዲማዳዞንህሂም፥ ጾኑሲኮ ኮሹሞ ዒንጊዖንታ ኮሹሞንታ ዒንህሂም ዲቦንጎ።

ናንገና ናንጋ ዎዛ

3 ዬሱስ ኪሪስቶስኮ ሓይባ"ፓ ዔቂፆ ዛሎ"ና ናንገ ማዔ ዎዛ" ኑም ዒንገህ። ጳጌፖ ማኣሪዎና ዓኪ ሸይንቲ፣ ፔ ናይ ኑና ማህህ ሃሃ ኑ ጎዳህ ዬሱስ ኪሪስቶስኮ ዓዶ ማዔ ፆኦዛህ \* ጋላቲንቶንጎ፤

4 ዒዚ ጫሪንጫይዳ ዓኣ ባይቁዎና ፑርቲዎና፣ ሓሃ ጨንቁዎና ማዔ ዒንገንታ ዓጮ" ኑ ዳካላንዳጉዲ ኑም ገኢገሺኔ።

5 ዒንህያ ጋፒንፆ ኬሎ"ና ፔጋዳንዳ ዳቂንቶም ጉሙርቁህ ዛላና ፆኦኪኮ ዎልቆና ካፒንቲ ዓኣኔ።

6 ኮይሳ ባኣዚ" ማዒ ጴጴም ደማ ደማ ዓይሳ ማቶናታፆ ዒንህ ዓኣያታቶዎ ዬኖ ባኮና ዒንህ ዎዎዛደዎቲ።

7 ሃይ ማታ" ዒንህ ሄሌ"ህ ዒንህኮ ጉሙርቁዎኮ ጎኑም ዛጋኒኬ፤ ሳፆይዳ ባይቃ ዎርቁ ጎፆ ባካታፆ ታሚዳ ዓገ ጎኑም ዛገንታኔ፤ ዒንህኮ ጋዓንቲ ዎርቆይዳፓ ባሺ ማዔ ቦንቸንቲ ጉሙርቁፆ ዬያጉዲ ዛገንታኒ ኮይሳኔ፤ ዬያይዲ ዒንህኮ ዛገንቲ ጉሙርቁፆ ዬሱስ ኪሪስቶስ ሙካኣና ጋላታንታ ቦንቸንታ ሃሃ ዴገ ገዒህያ ዒንህም ማዓንዳኔ።

8 ዬሱስ ኪሪስቶስ ዛገባኣያ ማዔያታቶዎ ዒንህ ዒዛ ናሸካኔ፤ ሃሃ ያዲ ዒንህ ዛገባኣያ ማዔቲያ ዒዛ ጉሙርቁ፣ ዳንጋና ኬኤዛኒ ዳንዳዒንቲዎና ቦንቸንቲ ዎዛና ዒንህ ዎዛዴኔ።

9 ዓይጎር ገዔቶ ጉሙርቁፆ ዒንህኪኮ ማሊፆ ማዔ ዒንህ ሸምፓህ ዳቂንቶ ዒንህ ዔኪ ዔኪ ዓኣህሮኬ።

10 ዬኖ ዳቂንቶ ባኮ ፆኦኪ ማሊፆ ኬኤዛ ዓሳ ኮሺ" ኮዒ ዛገኔ፤ ዬያሮ ዔያታ ፆኦኪ ዒንህም ዒንጋንዳ ኮሹም ዒንገፆ ቤርታዲ ኬኤዜኔ።

11 ዔያቶ ገዳ" ዓኣ ኪሪስቶስኮ ዓያና" ማሲሔይዳ ሄላ"ንዳ ማቶ"ና ማቶ"ኮ ገንፆይዳ ዒዚ ዴንቃንዳ ቦንቸ ቤርታዲ ዔያቶም ዳቂኔ፤ ዔያታኣ ዬይ ቢያ ዎማ ዎደ"ና፣ ሃሃ ዎይቲ ማዓንዳቲያ ማሊ ኮሺ" ዛገኔ፤

12 ዬያታ ፆኦኪ ማሊፆ ኬኤዛ ዓሳ ማዴህ ዒንህም ማዓንዳፓዓቲም ፔኤም ማዒባኣህ ዔያቶም ፔጋዲ ዔርቲኔ፤ ዔያታ ዒንህም ማዴህ፣ ጫሪንጫፓ ዳከንቲ ዓያኖ ጌኤዢ ዛሎ"ና ሃህ ኮዢ ሃይሶ ዒንህም ኬኤዛ ዓሳ ኬኤዜ ባኮ ፔጋሲህናኬ፤ ዬያ ባኮ ፆኦኪ ኪሊታንቻታፆ ዛጋኒ ኮሺ" ሱኡካዴኔ።

\* 1:3 ዓኮ ጫኣቁማ ቤርታዲ ፆኣፒንቲ ገሪኬ ሙኡጮና- «ዬሱስ ኪሪስቶስኮ ፆኣዛህና ዓዳህ ጋላቲንቶንጎ» ጋዔ።

ጌኤሹሞና ናንጊሢ

13 ዬያሮ ዒኖ ዒንሢኮ ማድም ጊኢጊሹ፤ ኮይሳ ናንጊ ዳምቤና ናንጊ፤ ዩሱሰ ኪሪሰቶሴ ሙካኣና ዒንሢ ዳንቃንዳ ኮሹሞ ዒንጊያ ዛሎ"ና ጉቤ ማዔ ሃጊ ማዓንዳ ዋዛ ዒንሢኮ ዓኣያ ማዖንጎ።

14 ያኦሲም ዓይሢንታ ናይ ዒንሢ ማዔሢሮ ዔራቶ ዓቲሢና ቤርታ ዒንሢኮ ዓኣ ፑርቶ ማድ" ሱኡኮ ኩንሢፖቴ፤

15 ጋዓንቴ ዒንሢ ዔኤሌ" ያኦዛሢ ጌኤሹ ማዔሢጉዲ ዒንሢያ ዒንሢ ናንጎና ቢያ ጌኤሹ ማዕ-ሞቴ፤

16 ዓይጎሮ ጌዔቶ ጌኤኩ፣ ማፃኣፖይዳ፡- «ታኣኒ ጌኤሹ ማዔሢሮ ዒንሢያ ጌኤሹ ማዕ-ሞቴ» ጌይንቴ ፃኣፒንቴኔ።

17 ያኦማኣ ዲሚሱሞፖ ፔቴ" ፔቴ"ሢዳ ማድ" ማድ" ጎይያ ዋጋ ያኦዛሢ «ኑ ዓዳሢ» ጌዒ ዔኤላ"ያ ዒንሢ ማዔቶ፤ ሃያ ሳይይዳ ሾኦቹሞና ዓኣፖ ዒዛ ዒጊጨሢና ናንጉሞቴ።

18 ዒንሢኮ ዓድንሢዳፓ ዒንሢ ዳካሌ ማኣዲ"ሞ ናንጎይዳፓ ዒንሢ ጊንሣ ሻንቁንቴሢ ሳይቃ ባኣዚ"፤ ሚኢሹና ሞርቄና ማዕባኣሢ ዒንሢ ዔራኔ፤

19 ጋዓንቴ ዒንሢ ሻንቁንቴሢ' ፑርታ ባኣዚ"ና ፓጩ ባኣዚ"ባኣ ማራይ ማዔ ኪሪሰቶሴኮ ቢያፓ ባሻ ሱጉያናኬ።

20 ዒዚ ዶኦሪንቴሢ ሳዓ ማኩንታንዳሢኮ ቤርታዲ ማዓዛ ሃሢ ጋዓንቴ ጋፒንፖ ዎድ"ይዳ ዒንሢ ዛሎ"ሮ ጌዒ ዒ ፔጋዲ ጳጴኔ።

21 ሃሣ ዩሱሴ ሃይቦ"ይዳፓ ዔቂሲ ዒዛሞ ቦንቾ ዒንጌ ያኦዛሢ፤ ዒዛ ዒንሢ ዩሱሴ ዛሎ"ና ጉሙርቃኔ፤ ዬያሮ ዒንሢኮ ጉሙርቁያንታ ሃጊ ማዓ ዎዞ"ንታ ያኦሲዳኬ።

22 ዑሣ ናሽኮ ናሹሞቴሞንቴ ጎኔ ናሹሞ ዩሱሴ ጉሙርቁ ዔኬ፤ ዒንሢኮ ጌርሲንሢሞ ዓኣያ ዒንሢኮ ማዓንዳጉዲ ጎኑሞሞ ዓይሢንቴሢና ዒንሢ ዒንሢ ቶኦኮ" ጌኤሹኔ፤ ዬያሮ ጉቤ ዒናና † ሴካና ሃንጋና ዎሊ ኮሺ" ናሽኩሞቴ።

23 ዒንሢ ላሚሣ ሾይንቴሢ ናንጊና ናንጋያ ማዒ ዶዲ ናንጋ ያኦሲ ቃኣሎ"ና ባይቁዎ ፃጲዳፓኬ፤ ባይቃ ፃጲፓቴሞሴ፤

24 ዓይጎሮ ጌዔቶ ጌኤኩ፣ ማፃኣፓ፡-

«ዓሲ ቢያ ማኣቲጉዳያኬ፤

ቦንቾ ቢያ ካይዚዳ ዓኣ ቡኒጉዳያኬ፤

ማኣታ" ሹሊ" ማላኔ፤ ቡና"ኣ ዲኢናኔ፤

25 ያኦሲኮ ቃኣላ" ጋዓንቴ

1:16 ለዊ. ዓከ 11፡44-45፤ 19፡2። † 1:22 ጉቤ ዒናና- ጋዓዛ ፔቴ" ፔቴ" ሚናኣ ማፃኣፓ «ጌኤሹ ዒናና» ጋዓኔ።

ናንገና ዶዲ ናንጋኔ» ጋዓኔ።  
ዬያሮ ኮሺ ሃይሴ ማዒ ዒንሢሞ ሚርጌና ከኤዚንቴ ቃኣላ"  
ዬያኮ።

## 2

ናንገና ናንጋ ሹጫሢና ዲማዴ ዴሮ"ና

1 ዓካሪ ፑርቱሞ፣ ማልቲ ጌሰቲሢ፣ ጌኤሺ ዓሲ ፔና ማሊሲሢ፣  
ቂኢሩሞ ሃሣ ዲማ ዲማ ደንኮና ዬያጉዴ ባኮ ቢያ ዒንሢዲፓ  
ባይዚ፣

2 ሃሢ ሸይንቴ ናይ ዲኢቂ ሱኡካዳሢጉዲ ዒንሢያ ዒንሢኮ  
ዳቂንቶና ዲጪ ዲጪ ዓኣዳንዳ፣ ዓያኖ ጌኤዠ ቃኣሎ" ዲኢቆ  
ጳቂሢ ሱኡካዳሢ።

3 ዒንሢ ሱኡካዳኒ ዳንዳዓሢ ጌኤዠ ማፃኣፓ ጋዓ ጎይያ፡-  
«ጾኦሲ ኮሺ ማዒሢ ዛገ ዲማሲ ዔሬያ ማዒቶኬ።»

4 ዬያሮ ናንገና ናንጋ ሹጫሢ ማዒ፣ ጎዳ ዬሱሴ ባንሢ  
ዑኩዋቲ፤ ዬይ ዓሳ ዒዛ ቦሃ ከኤሬንቴ ጾኦሲ ዶኦሪ ቦንቹሢኬ።

5 ጎዳ ዬሱሴ ባንሢ ዒንሢ ዑካንዳሢያ ናንገና ናንጋ ማኣሮ  
ማዠሢጉዲ ዓያና ማኣሪ ማዠንጋኒኬ፤ ዬያይዲ ዬሱሴ ከሪሰቶሴ  
ዛሎ"ና ሞዛሳያ ማዒ ዓያናና ጾኦሲም ዒንጎ ዒንገያ ዒንጋኒ ዲማዴ  
ቁኤሶ ዒንሢ ማዓንዳኔ።

6 ዓይጎር ጌዒቶ ጌኤዠ ማፃኣፓይዳ፡-  
«ሃይሹ፣ ዶኦሪንቴ ቦንቹንቴያ ማዒ

ማኣሮ ማዠ ሹጫሢ ፃዮኔይዳ ታ ጌሣንዳኔ፤  
ዒዛ ጉሙርቃይ ቦርሲንቴንዲዋሴ»

ጋዓ ቃኣላ ፃኣፒንቴ ዓኣኔ።

7 ዬያሮ ጉሙርቃ ዓሶ ዒንሢሞ ዬይ ሹጫሢ ቦንቹንቴያኬ፤  
ጉሙርቁዋ ዓሶም ጋዓንቴ፡-

«ማኣሮ ማዠ ዓሳ ቦሃ ከኤሬ ሹጫሢ  
ኮሺ" ኮይሳ ሄሎ ሹቹ ማዒ።»

8 ሃሣ፡-

«ሃይሹ፣ ዓሶ ዲቃ ሹጫሢ

ጊንሣ ዓሶ ዲቂ ሎንሣ ላላሢ»

ጌይንቴ ጌኤዠ ማፃኣፓይዳ ፃኣፒንቴሢጉዲያኬ።

---

1:25 ዒ.ሲ. 40፣6-8። 2:3 ዓይኑ. 34፣8። 2:6 ዒ.ሲ. 28፣16። 2:7 ዓይኑ.  
118፣22።

ዎይቲ ጌዔቶ ዔያታ ዒዛኮ ቃኣሎ" ጉሙርቁዎፃ ዓቲዖና ደቢንቲ ደቁንቲኔ። ሃሣ ያኦሲ ዔያቶም ማሊ ጌሣሢያ ዩያምኬ።

9 ዒንሢ ጋዓንቲ ደቁዎይዳፓ ዴኤፖ ሄርሺሳ ፔኤኮ ፖፃ ባንሢ ዒንሢ ዔኤሌ" ያኦዛሢኮ ደቃሣ ማደ" ኬኤዛንዳጉዲ ደኦሪንቲ ሾይንቲ፣ ካኣቲም ማደ ቁኤሴ፣ ጌኤሺ ዴሬ ሃሣ ያኦሲ ፔኤም ማሢ ደማሴ ዴሬኬ።

10 ዒንሢ ቤርታ ያኦሲ ዴሬቱዎሴ፤ ሃሢ ጋዓንቲ ዒንሢ ያኦሲ ዴሬኬ፤ ቤርታ ዒንሢ ማኦሪንቲሢ ዴንቁባኣያታፃ ሃሢ ዒንሢ ዴንቁኔ።

**ያኦሲም ማደ ዓሲ ዛላ**

11 ታ ዒሾንሦ! ታ ሚሾንሦ! ሃያ ዓጮ"ይዳ ዒንሢ ሾኦቹ ሃሣ ቤሲባኣ ዓሲ ማዔሢሮ ዒንሢኮ ሾምፖና ዎላ" ያልታ ዓሲ ማሊሢ ስኦኮይዳፓ ዒንሢ ሃካንዳጉዲ ሃደራ ታ ጋዓኔ።

12 ጎፃንቲ «ዔያታ ፑርታ ማደ ዓሲኬ» ጌይ ዒንሢ ደንኮቶዎ ያኦሲ ኦና ሺሪ ዛጋኒ ሙካ ኬሎ" ማሌ" ዴራ" ዒንሢኮ ኮኩ ማደ" ዛጊ ያኦዛሢ ጋላታንዳጉዲ፣ ዔያቶ ባኣኮ"ይዳ ዒንሢ ናንጋኣና ኮሺ ዒና ዒንሢኮ ዓኣያ ማፃንጎ።

13 ጎዳ ዩሱሴ ዛሎ"ሮ ጌይባካ ዎይሢያ ቢታንታ ዒንጊንቲ ዓሶም ዓይሢንቲዎቲ፤ ዒንሢኮ 0-ፃ ማዒ ዎይሢ ካኣቶ"ማኣ ዓይሢንቲዎቲ።

14 ሃሣ ካኣታ" ጌሢ ዓሶማኣ ዓይሢንቲዎቲ፤ ዓይጎሮ ጌዔቶ ዔያታ ፑርቶ ማደ ዓሶይዳ ዎጋኒ ኮኩ ማደ ዓሶ ጋላታኒ ጌሢንቲያኬ።

15 ኮሺ ማደሢና ዔኤዮ ዓሶኮ ዔሩዎፃ ጌሶቶ ጌኤዞኮ ዒንሢ ደንጋ ዓርቁሳንዳጉዲ ዩይ ያኦሲ ማሊሢኬ።

16 ያኦሲም ማደ ዓሲ ማዒ ደማዲ ኬሰኬ ዓሲ ማዒ ሃንቲዎቲ፤ ጋዓንቲ ዒንሢኮ ደማዲ ኬሰኪያ ፑርቲም ዓኣቹ ዓርቃያ ማሢፖቲ።

17 ዓሲ ቢያ ቦንቹዎቲ፤ ዩሱሴ ጉሙርቁ ጎናሲ ዔኬ ዓሶዎ ናሽኩዎቲ፤ ያኦሲ ዒጊጨዎቲ፤ ካኣቶ"ዎ ቦንቹዎቲ።

**ኪሪሰቶሴኮ ማታ" ኮኦኪንሢ ማዔ ጎይያ**

18 ዒንሢ፣ ዓይሎ" ማዔ ዓሳ፣ ዒንሢ ዎይሢ ዓሶም ዓይሢንቲዎቲ፤ ዒንሢ ዓይሢንታንዳሢ ኮሺ፣ ሓሣ ሹሌዔ ማዔዞንሢም ሌሊቲዎንቲ ሚጨንቲዎ ዓሶንታም ቢያኬ።

---

2:8 ዓሲ. 8፣14-15። 2:9 ኬሲ. ማፃ 19፣5-6፤ ዓሲ. 43፣20-21፤ ላሚ. ዎማ 4፣20፤ 7፣6፤ 14፣2፤ ቲቶ 2፣14፤ ዓሲ. 9፣2። 2:10 ሆሴ. 2፣23።

19 ዓይጎር ጌዔቶ ዓሲ ጋላቲንታሢ ጌኔ ማዔ ጎይሢና ማቶ ዔኪ ጾኦሲ ዛሎ"ሮ ጌሲ ጊቤ"ቶኬ።

20 ዒንሢ ፑርታ ማዲ ማቶ ዔካዖ ጊቤ"ቶ ዓይጎ ጋላታ ዒንሢኮ ዓኣያ ማዓንዳይ? ጋዓንቴ ኮሺ ማዲዖ ማቶ ዔኪ ዒንሢ ጊቤ"ቶ ጾኦሲዳፓ ጋላታ ዒንሢ ዴንቃንዳኔ።

21 ዒንሢ ዔኤሊ"ንቴሢያ ዩያሮኬ፤ ዓይጎር ጌዔቶ ዒዚ ሃንቴ ጎይዖ ሃንታንዳጉዲ ኪሪሰቶሴ ማቶ ዔኪ ዒንሢሞ ኮኦኪንሢ ማዔኔ።

22 ዒዚ ፔቴ"ታዖ ጎሜ ማዲባኣሴ፤ ሃሃ ሉኡቂያ ዒ ሉኡቂባኣሴ።

23 ዒዛ ዓሳ ጫሽካኣና ማሂ ጫሽኪባኣሴ፤ ማታሢ ዔካኣና ፒዘ ዎጋያ ማዔ ጾኦዛሢዳ ሃጊ ማዓንዳ ዎዛ ጌሢያፓዓቴሞ ዚርቁባኣሴ።

24 ኦኡኒ ሃይቢና ዲማዲሢጉዲ ጎሜይዳፓ ዲማዲ ጌኤሹሞና ናንጋንዳጉዲ፣ ዒዚ ፔኤሮ ፔ ዓሽኮና ጎሞ ኦኡሲ" ፑርቶ ዓሶ ሱዖ ሚያይዳ ኬዴኔ፤ ሃሃ ዒዛኮ ኪዖዲያና ዒንሢ ዳቁኔ።

25 ዓይጎር ጌዔቶ ቤርታ ዒንሢ ባይቁ ማራይጉዲ ዣኣሊ ሃንቴኔ፤ ሃሃ ጋዓንቴ ዒንሢኮ ሸምፖ ሄንቁ ካፓሢ ባንሢ ዒንሢ ማዔኔ።

### 3

#### ዓኒና ማቸና ዛላ

1 ዓካሪ ዒንሢ ላኣላ ዓኒንሢሞ ዒንሢኮ ዓይሢንቴዎቴ፤ ዩያይዲያና ሃጊ ጾኦሲ ቃኣሎ" ጉሙርቁ ዔኪባኣ ዓኒንሢ ዓኣቶ ዳንጋና ኬኤዚሢና ሌሊቴዎንቴ ማቸንሢኮ ናንጋ ናንጎ ዛጊ ጾኦሲ ባንሢ ማዓኒ ዳንዳዓኔ።

2 ያዒ ዔያታ ማዓኒ ዳንዳዓሢ፣ ጌኤሺ ማዔም፤ ሃሃ ጾኦሲ ቦንቻያ ማዒ ዒንሢ ናንጌም ዛጌቶኬ።

3 ዒንሢኮ ሚዛጰማ ቶኦኪ ማዢንቴና፣ ዎርቁ ዎይዚዳ ዓኣሥሢና፣ ቃራ ጊኢጋ ማኣዖ ማይንቴ ዙሌ"ና ጴዳ ሚዛጰሞና ማዖፖ።

4 ጋዓንቴ ዒንሢኮ ሚዛጰማ ጾኦሲ ቤርቶይዳ ሚርጌ ቦንቸንቴያ ማዔ ሃሃ ባይቁዎ ፓልሞ ሸሌዑሞና ሂርኪ ጌይሢ ዓያና ዒንሢ ፓልሚሴ ዒና ዓኣሺንቴ ዓኣ ጋር ማዖንጎ።

2:22 ዒ.ሲ. 53:9። 2:23 ዒ.ሲ. 53:7። 2:24 ዒ.ሲ. 53:5። 2:25 ዒ.ሲ. 53:6። 3:1 ዓፕ. 5:22፤ ቆላ. 3:18። 3:3 1፻ሞ. 2:9።

5 ዓይጎር ጌዔቶ ሚናክ ዎድ"ና ፔኤኮ ዓኣ ማሊያ ያኦሲዳ ጌህ፤ ዲማዲ ዓንጃንቴ ላኣላ ፓልሜህ ዬያ ጉዴያናኬ፤ ሐሣ ዓረንሂማኣ ዔያታ ዓይሂንቴኔ።

6 ሳኦሪ ዬያጉዲ ዓብራሃሚም፡- «ታ ጎዳሂዮ!» ጌራ ጌራ ዓይሂንቴ ጎይዖ፡ ዓረንሂያ ዓይጎብ ዓረገጩዎ? ዓረንሂ ዓረንሂም ኮሺ ባኣዚ" ማዴቶ ዓዚኮ ዓረንሂ ናኣቶ"ኬ።

7 ዓረንሂያ ዓረንሂ! ዓረንሂኮ ማቸንሂና ዎላ" ዔሪ ናንጉዎቲ፤ ዓረንሂዳፓ ባሼ ዔያታ ለቢ"ንቴ ማኸንቴ ማዔሂሮ፡ ሃሣ ዓረንሂና ዎላ" ዔያታ ያኦሲ ኮሹሞና ዓረንጌ ናንጎ ዳካለንዳሂሮ ዔያቶ ቦንቹዎቲ፤ ያዲ ዓረንሂ ማዒ ናንጌቶ ዓረንሂ ሺኢጲያኮ ዲቆ ማዓ ባኣዚ" ባኣያ ማዓንዳኔ።

**ኮሺ ማዲያታዎ ሜቶ ዔኪሂ**

8 ማይ ዓካሪ ቢያሂ ሴካና ሃንጋና ዎላ" ገኢጊ ናንጉዎቲ፤ ሜሌ" ዓሲኮ ሜቶ ዓዳ" ዓረንሂ ሜቶ ማሂ ዛጉዎቲ፤ ዎሊኮ ጌርሲና ጌሮና ዎላ ናሽካ ናሹሞና ዎላ ናሽኩዎቲ፤ ኮሺ ዓሲ፡ ሃሣ ሚጩንታ ዓሲ ማዐብ፡

9 ፑርቲሂም ፑርታ፡ ጩሽካሂማኣ ጩሽኪ ማሂፖቲ፤ ጋዓንቴ ዓንጃዎቲ፤ ዓይጎር ጌዔቶ ዓረንሂ ዔኤሊ"ንቴሂ ዬያይዲ ማዲያና ያኦሲዳፓ ዓንጃ ዔካኒኬ፤

10 ጌኤዠ ማፃኣፓ፡-

«ናንጊ ፔኤኮ ናሽካ ዓሲና ኮሺ ዎዴ ዛጋኒ ኮዓ ዓሲ ዲንጋ ዓዚኮ ፑርታ ባኣዚ" ጌሰቱዎጉዲ ሙኡጫኣ ዓዚኮ ማልቲሂ ሃይሴ ጌሰቱዎጉዲ ካፖንጎ።

11 ፑርታይዳፓ ሃኪ፡ ኮሺ ባኣዚ" ማዲንጎ፤ ሐሣ ኮሹሞ ሌሊ ኮዒ ዓማ ጊንዖ ሃንቶንጎ፤

12 ዓይጎር ጌዔቶ ያኦሲ ዛጋሂ ዲሎ" ዓሶ ባንሂኬ፤ ዎያኣ ዓዚኮ ዔያቶ ሺኢጲያ ዎይዛኒ ቡሊ"ንቴ ዓኣኔ፤ ፑርታ ማዳ ዓሶ ዑፃ ጋዓንቴ ዲጋ ዓኣፒ ካራ ያኦሲ ሺርሻኔ» ጋዓኔ።

13 ዬያሮ ዓረንሂ ኮሺ ባኣዚ" ማዲኒ ኮዔቶ ዓረንሂዳ ፑርታ ባኣዚ" ሄሊ"ሳንዳሂ ያናዳይ?

14 ኮሺ ማዲ ማዲያታዎ ዓረንሂ ሜቶ ዔኬቶ ያኦሲዳፓ ዓንጃ ዓረንሂ ዴንቃንዳኔ፤ ዓሶኮ ዚርቂዎሮ ዓረገጩ ሜታዲፖቲ።

---

3:6 ማኸ. ማፃ 18፡12። 3:7 ዓፕ. 5፡25፤ ቆላ. 3፡19። 3:12 ዓይኑ. 34፡12-16።

15 ጎዳ ማዕፄ ኪሪሰቶሴ ዒንሢኮ ዒኖና ቦንቸዋቱ፤ ዒንሢሞ ሃገ ማዕንዳ ዋዞ" ዛሎ"ሮ ጌዒባካ ዒንሢሢ ምእጫ ዓሶም ቢያ ማሂ ኬኤዛኒ ገኢጊንቴያ ማዑዋቱ።

16 ጋዓንቴ ዒንሢኮ ማሂያ ሸሌዑዋና ቦንቸና ማዖንጎ፤ ዒንሢ ኪሪሰቶሴሮ ማዒያና ዒንሢኮ ዓኣ ኮዦ ማሊያይዳ ፑርታ ጌሰታ ዓሳ ፔኤኮ ፑርቶ ጌኤዞና ቦርሲንታንዳጉዲ ዒንሢኮ ኮሺ ዒና ዓኣያ ማዖንጎ።

17 ዓይጎር ጌዔቶ ምእሲ ማሊያታቱያ ዒንሢሞ ኮሺ ማዒ ሜቶ ዔከሢ ማዕንዳኣገዓቱም፥ ፑርታ ማዒ ሜቶ ዔከሢቱዋሴ።

18 ኪሪሰቶሴ ፔ ቶኦከና ምእሲ ባንሢ ኑና ዑከሳኒ ዒዚ ዒሎ"ታዖ፥ ኑና ዒሎ"ማ ባኣ ዓሶም ኑ ጎሞ ዛሎ"ሮ ፔቴ"ና ሜቶ ዔከ ሃይቄኔ፤ ዒዚ ዓሸኮና ሃይቄኔ፤ ጋዓንቴ ዓያኖና ናንገና ናንጋያ ማዕፄ።

19 ሃሣ ዒዚ ሲዖሌ ጌይንታ ዲሞ ዔቶ"ይዳ ቱኡቲ ዓኣ ዓሶ ባንሢ ዓያኖና ዓኣዲ፥ ዒኢካ ሸምፖም ኮዦ ሃይሶ ቃኣሎ" ኬኤዘኔ።

20 ዬያታ ቱኡዞ ቤዘይዳ ዓኣ ሸምፓ፥ ቤርታ ኖሂ ዎደ"ና ዋኣዖ ካኣሚላ ማዦንታኣና ሃሣ ምእሲ ዔያቶ ባይዛንዳዖ ገቢ" ካፓኣና ዔያታ «ኑ ዎይዛዓ» ጌዔዘንሢኬ። ጋዓንቴ ዋኣዖ ካኣሚሎይዳ ጌሊ ዋኣዖይዳፓ ዳቄዘንሢኮ ፓይዳ" ዳካ"፥ ሳሊ" ዓሲ ሌሊኬ።

21 ዬይ ዋኣዖ ሃሣ ዒንሢ ዳቄሻ ዋኣዖ ማሰቲያ ኮኦከንሣኬ፤ ዬይ ዋኣዖ ማሰቲያ ዑፃፓ ከንሢ ጌኤሺሢቱዋንቴ ኮሺ ዒናና ምእሲ ባንሢ ሸኢከሢሢ ጫኣቁሞኬ፤ ዒንሢ ዬይ ዳቄሻሢያ ዬሱሰ ኪሪሰቶሴኮ ሃይባ"ፓ ዔቁዖ ዛሎ"ናኬ፤

22 ዒዚ ጫሪንጫ ዓኣዲ ምእሲ፥ ዓዳሢኮ ሚዛቆ ዛላ" ዓኣኔ፤ ምእሲኮ ኪኢታንቸና ጫሪንጫ ዎልቆና ዓኣ ባካ ቢያ ዒዛም ዓይሢንታኔ።

# 4

## ምእሲም ዲማዒ ናንገሢ

1 ኪሪሰቶሴ ዓሲ ማዒ ሜቶ ዔኬያታሢሮ ዒንሢ ዬይ ማሊያ ዓዳ" ዖልዚ ዓንጋሞጉዲ ደዲሾንጎ፤ ፔ ዑዖ ዓሸኮና ሜቶ ዔኬሢ ጎሜ ማዒ ሃሸ"ኔ ጌይሢኬ።

2 ሃካፓ ሴካ ሳዖይዳ ዒንሢ ናንጋኣና ዓሲ ማሊያኮ ፑርቶ ሱኡኮ ኩንሢ ኩንሢቱዋንቴ ምእሲ ማሊያ ኩንሥሢና ናንጉዋቱ።

3:15 ማቴ. 5፥10፤ ዒሲ. 8፥12-13። 3:20 ማዦ. ማፃ 6፥1—7፥24።

3 ጸኦሲ ዔሩዋ ዓሳ ማዳሢ ጎይፆ፡- ማቾ ሃሣ ዓሲ ማዓባኣ ዓሲ  
ዓርቂ ዓማሊ "ሢና፡ ማቾ ሃሣ ዓሲ ማዓባኣ ዓሲና ላሃኒ  
ሱኡካዲሢና፡ ዑሽኪ ማሢንተሢና፡ ኮይሱዋ ኮሢ ኮርጊሢና፡  
ኮይሱዋ ጎይሢ ዑሽኪ ኮኣሚሢና፤ ሃሣ ዓሢና ማዔ ሜሌ" ካኣኸ  
ካኣሽኪ ካኣሽኪ ዒንሢ ናንጌ ዎዳ" ማይ ጊዳንዳኔ።

4 ሃሢ ጋዓንቴ ዬያ ባኮ ቢያና ዒንሢ ዎጌባኣ ጎይሢ ዔያቶና  
ዎላ" ማዲ ሃንቴዎኣሢሮ ዔያታ ሄርሺ ዲቃታንዳኔ፤ ሃሣ ዔያታ  
ዒንሢ ጫሽኪያ ጫሽካንዳኔ።

5 ጋዓንቴ ሽምፔና ዓኣ ዓሶና ሃይቄ ዓሶናይዳ ዎጋጊ ገኢጊንቴ  
ጸኣዛሢም ዔያታ ማሂ ኬኤዛንዳኔ።

6 ቤርታ ዎይዜያ ሃይቄ ዓሶማኣ ጉቤ ኮኸ ሃይሳ ኬኤዚንቴሢ  
ዬያይዳፓ ዔቄያናኬ፤ ዬያሮ ዓሽኮና ዔያታ ዓሳ ዎጊንታሢ ጎይፆ  
ዎጊንታንዳኔ፤ ዓያኖና ጋዓንቴ ዔያታ ጸኦሲ ናንጋ ጎይፆ ሽምፔና  
ናንጋንዳኔ።

**ጸኦሲፓ ዒንጊንቴ ዒንጊፆ ቃራ ጎይሢና ዓርቂ ቆለሢ**

7 ማይ ዓካሪ ቢያ ባኣዚ"ኮ ጋፒንሢ ዑኬኔ፤ ዬያሮ ዒንሢ ደዲ  
ሽኢቃንዳጉዲ ፒዜ ማለሢ ዒንሢኮ ዓኣያ ማዎንጎ፤ ሃሣ ዒንሢ  
ቶኦኮ" ዔሪ ናንጋያ ማዑዎቴ።

8 ናሹዎ ሚርጌ ዳቢንቴ ዓቶም ጌይሳያ ማዔሢሮ ቢያ ባኣዚ"ፓ  
ዑሣ ዓኣዴ ሴካና ሃንጋና ዎሊ ኮሺ" ናሽኮዎቴ።

9 ሴካና ሃንጋና ጉንዲማ ባኣያ ሸኦቺንሢ ዎሊ ዔኮዎቴ።

10 ፔቴ" ፔቴ" ዒንሢ ባኣካ" ዓኣ ዓሳ ጸኦሲ ደማ ደማ ማሂ  
ዒንጌ ዒንጊፆ ጉሙርቂንቴሢና ዓርቂ ቆሊ፡ ዒንጊንቴ ዒንጊንቶ  
ጎይፆ ባጋሢም ማደንጎ።

11 ጸኦሲ ቃኣሎ" ዔርዛሢ፡ ጸኦሲ ዒዛና ማዔ ኬኤዛያ ማሂ  
ኬኤዛንጎ፤ ማዳሢያ ጸኦሲ ዒንጋ ዎልቆና ጉሙርቂንቴ ማደንጎ፤  
ያዲ ማዔቴ ዬሱሰ ኪሪሰቶሴ ዛሎ"ና ማዔ ቢያ ባኣዚ"ና ጸኦሲ  
ጋላቴንታንዳኔ፤ ቦንቾና ዎልቄና ናንጊና ዒዛም ማዎንጎ፤ ዓኣሜን።

**ሜቶ ዎደና ደዲሢ**

12 ታ ዒጊኖንሢኦቴ! ዓዳ" ታሚጉዲ ሜታሲ ዒንሢ ዳቢሳኒ ጋዓ  
ሜቶይዳ ዒንሢ ጌሌ ዎድ"ና ዓኪ ባኣዚ" ዒንሢዳ ሄሌ"ጉዲ  
ዲቃቴ ሄርሺፖቴ፤

13 ባሽ ኪሪሰቶሴ ሙካ ዎድ"ና ዒንሢም ዴኤፒ ዎዛ  
ማዓንዳጉዲ ዒዛኮ ሜቶ" ዒዛና ዎላ" ዒንሢ ዔካ ጎይፆማና ሃሣ  
ዎዛዲዎቴ።

---

4:8 ኮኣኪ. 10፡12።

- 14 ኪሪሰቶሴ ሱ"ንፆ ዛሎ"ሮ ዒንሢ ጫሽኪንቴቴ ቦንቺንቴያ ማዕፍ ጸኦሲ ዓያና" ዒንሢ ደ ማዕንዳሢሮ ዒንሢ ዋዋዛዲፍቴ።
- 15 ዒንሢ ደገ ምታቴያ ማቶ ዔካእና ዓሲ ዋዲ፥ ጩቁ፥ ፑርታ ማደ ማዲ፥ ዓሲ ሃይሴኮ ባኣካ ጌሊ ማቶ ዔካያ ማፆፆ።
- 16 ጋዓንቴ ዩሱሴ ጉሙርቁ ጎናሲ ዔኪፆና ሌሊ ማቶይዳ ጌላይ ዓኣቶ ኪሪሰቶሴ ሱ"ንፆ ዛሎ"ሮ ጌዒ ጸኦሲ ጋጋላቶንጎ፤ ቦርሲንቶፆ።
- 17 ዋጌ ዋጊንታንዳ ዋደ" ዑኬኔ፤ ጋዓንቴ ዋጊፆ ዓርቁንታሢ ጸኦሲ ዓሰይዳፆኬ፤ ሂዳፆ ዋጊፆ ኑ ጊደ"ፆ ዓርቃያ ማዕቶ ጸኦሲኮ ኮኩ ሃይሶ ጉሙርቁዋ ዓሰኮ ጋፒንፆ ዓይጎ ማዕንዳይ?
- 18 ጌኤኩ ማፆኣፆ ኬኤዛፆ፡-  
«ዒሎ" ዓሲ ዳቃኒ ዳንዳዓሢ ሚርጌ ማቶና ማዕቶ ጸኦሲ ካኣሽኩዋ ዓሳ ዋዋይታንዳይ?» ጋዓኔ።
- 19 ዩያሮ ጸኦሲ ማሊሢ ማዕም ማቶ ዔካ ዓሳ ቢያ ዔያታ ፔኤኮ ሽምፆሢ ጉሙርቁንታያ ማዕ፥ ማኸሢም ዒንጊ ኮሺ ባኣዚ" ማዲሢደገ ጊንሢም ጎፆፆ፤

# 5

## ጸኦሲ ዓሰ ዋይሣዘንሢም ዓይሢንቴ ዳምቤ

- 1 ዓካሪ፡ ታኣኒ ዔያቶና ዋላ" ሺኢጲፆ ማኣርኮ ጨም ማዕሢ፥ ኪሪሰቶሴ ማቶ"ኮዋ ማርካ ማዕሢ፤ ሃሣ ሃጊ ቤርታ ጴዳንዳ ዋዘ" ዔያቶና ዋላ" ዴንቃንዳሢ፥ ዒንሢ ባኣካ" ዓኣ ሺኢጲፆ ማኣሮ ጨም ታ ዘራኔ።
- 2 ዒንሢም ሃዳራና ዒንጊንቴ ጸኦሲ ማራቶ ሄንቁዋቴ፤ ዒንሢ ሄንቃ ዋደ"ና ጸኣኒያ ዋልቃዴምቱዋንቴ ጸኦሲ ናሽካ ጎይፆ ናሹሞና ሄንቃያ ማፆንጎ፤ ሃሣ ሚኢሺ ናሹሞናቱዋንቴ ዒንሢኮ ማዳኒ ዓኣ ዒናፆ ማዕ ማሊሢና ማፆንጎ።
- 3 ዩያጉዲ ሃሣ ዒንሢኮ ዴማ" ዓኣ ዓሰ ማታሲ ዋይሥሢናቱዋንቴ ማራቶም ኮሺ ኮኣኪንሢ ማዓ ባኣዚ" ዳዊሢና ማፆንጎ።
- 4 ያዴ ዒንሢ ማዴቶ ማራቶ ሄንቃ ዓሰኮ ሱኡጋሢ ሙኬ ዋደ"ና ፑርቴ ባይቁዋ፥ ቶኣካ" ዓሳ ቦንቾ ባኮ ዒንሢ ዔካንዳኔ።
- 5 ዩያጉዲ ዒንሢ፥ ዴጌዘቴ! ጋርቾ ዓሰም ዓይሢንቱዋቴ፤ ቢያሢ ሹሌዑም ዳደ" ማኣፆጉዲ ማይንቴ ፔቴ"ይ ባጋሢም ዓይሢንቴ ማዳንጎ፤ ዓይጎሮ ጌዔቶ ጌኤኩ ማፆኣፆይዳ፡-

«የኦሲ የቶርቃ ዓሶ ዒፃኔ፤  
ኮዦ ዓሶም ጋዓንቴ ዒዚ ፔ ኮሹሞና ዒንጋ ዒንገያ ዒንጋኔ»  
ጋዓሢርኬ።

6 ዓካሪ፡ ያኦሲ ፔ ማሊ ጌህ ምደ"ና ዒንሢ ጴ'ጊ ዳንዳጉዲ  
ያኦሲኮ ጴኔፖ ምልቆ ዴማ" ዒንሢ ቶኦኮ" ሂርኪሱሞቱ።

7 ዒዚ ዒንሢ ዛሎ" ማሊያታሢር ዒንሢ ሜታሳ ማሊያ ጉቤ  
ዒዛ 0-ፃ ጌህሞቱ።

8 ዒንሢ ቶኦኮ" ዔሪ ናንጉሞቱ፣ ሃሃ ጴጩሞቱ፤ ዓይጎር ጌዔቶ  
ዒንሢኮ ሞርካሢ፡ ፃላሃ ዓዳ" ዔኔ ዳንዳ ባኣዚ" ኮዒ ጉዳ  
ዘቢ"ጉዲ ዒንሢ ዓጮ ሺሪ ሺሪ ዒንሢ ካታ"ኔ።

9 ዓጮ" ቢያይዳ ዓኣ ዩሱሴ ጉሙርቂ ጎናሲ ዔኬ፡ ዒንሢኮ  
ጌርሲንሢንታ ጌርንሢንታ ማዔ ዓሳ ዩያጉዴ ሜቶ" ዔካያ ማዔሢ  
ዔሪጋጋጋ ያኦሲ ጉሙርቂያና ደዲ ሞርካሢ ማኩሞቱ።

10 ኪሪሰቶሴ ዛሎ"ና ፔኤኮ ናንገና ናንጎ ቦንቾ ባንሢ ዒንሢ  
ዔኤሌ"፣ ዒዛይዳጋ ማዔ ኮሹሞ ዒንገያኮ ቢያ ያኦዛሢ' ዳካ"  
ምዴ ዒንሢ ሜታጴሳካጋ ዒ ፔኤሮ ዒንሢ ደዲሺ ዔቂሳንዳኔ።

11 ናንገና ቦንቾና ምልቁና ዒዛም ማዖንጎ! ዓኣሜን።

**ጋፒንሢ ሳራሥሢ**

12 «ታኣኮ ጉሙርቂንታ ጌርሲኬ» ጌዒ ታ ማላ ሲልሞናሴ ጎምሢ  
ዑያይዳ ሃሮ" ኪሊቶ" ዳካ"ና ታ ዒንሢም ፃኣፔኔ፤ ታ ፃኣፔሢያ  
ዒንሢ ዘራኒና ዩይ ባካ ያኦሲ ፔ ኮሹሞና ዒንጌ ጎኔ ዒንገሢ  
ማዔሢ ማርካዳኒ ጌዒኬ፤ ዩያሮ ሃያ፣ ያኦሲኮ ኮሹሞ ዒንገያና  
ደዲ ዔቂሞቱ።

13 ባብሎኔይዳ ዓኣ ዒንሢኮ ጌሮ ማዒ ዒንሢጉዲ ደኦሪንቴ  
ሺኢጲያ ማኣሪላ ዒንሢ «ኮሺዳ» ጋዓኔ፤ ሃሃ ታኣኮ ናዓሢ  
ማርቆሴያ ዒንሢ «ኮሺዳ» ጋዓኔ።

14 ዩሱሴ ጉሙርቂ ጎናሲ ዔኬ ዓሲ ጎይሢ ናሹሞና ሴካና  
ሃንጋና ምሊ ኮሺ ዔኤሊ"ሢ ዔኤሊ"ሞቱ።

ኪሪሰቶሴሮ ማዔ ዓሶ ዒንሢ ቢያሢም ኮሺ ማዖንጎ።

---

5:5 ኮኣኪ. 3፡34። 5:6 ማቴ. 23፡12፤ ሉቃ. 14፡11፤ 18፡14። 5:12 ዳኪ.  
ማዶ" 15፡22። 5:13 ዳኪ. ማዶ" 12፡12፤ 13፡13፤ 15፡37-39፤ ቆላ. 4፡10፤ ፒልሞ.  
24።

**Maale New Testament**  
**The New Testament in the Maale language of Ethiopia**  
copyright © 2007 Bible Society of Ethiopia

Language: (Male)

Contributor: Bible Society of Ethiopia

**Maale New Testament**

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

---

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1